

По обычнем начале мирянин глаголет:

**За молитв святых отец наших, Господи, Иисусе Христе, Сыне Божии, помилуй нас. Аминь (поклон).**

**Святый Боже, Святый Крепкий, Святый Безсмертный, помилуй нас (трижды, с поклонами). Слава Отцу и Сыну и Святому Духу, и ныне и присно и во веки веком, аминь.**

**Пресвятая Троице, помилуй нас. Господи, очисти грехи наша; Владыко, прости беззакония наша; Святый, посети и исцели немощи наша; имене Твоего ради. Господи помилуй (трижды). Слава, и ныне.**

**Отче наш, Иже еси на небесех. Да святится имя Твое. Да придет царствие Твое. Да будет воля Твоя, яко на небеси и на земли. Хлеб наш насущный даждь нам днесь. И остави нам долги наша, якоже и мы оставляем должником нашим. И не введи нас во искушение. Но избави нас от лукаваго.**

**Господи, Иисусе Христе, Сыне Божии, помилуй нас. Аминь.**

**Господи помилуй (12). Слава, и ныне.**

**Приидите, поклонимся Цареву нашему Богу (поклон).**

**Приидите, поклонимся Христу, Цареву и Богу нашему (поклон).**

**Приидите, поклонимся и припадём к Самому Господу Иисусу Христу, Цареву и Богу нашему (поклон).**

Псалом 142. **Господи, услыши молитву мою, внуши моление мое во истине Твоей, услыши мя в правде Твоей. И не вниди в суд с рабом Твоим, яко не оправдится пред Тобою всяк живый. Яко погна враг душу мою, и смирил есть в земли живот мой. Посадил мя есть в темных, яко мертвые веку, и уны во мне дух мой, во мне смутися сердце мое. Помянух дни древния, поучихся во всех делех Твоих, и в делех руку Твоею поучахся. Воздох к Тебе руке мой. Душа моя, яко земля безводная Тебе. Скоро услыши мя Господи, исчезе дух мой. Не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне Господи путь, вонь же пойду, яко к Тебе взях душу мою. Изми мя от враг моих Господи, к Тебе прибегах. Научи мя творити волю Твою, яко Ты еси Бог мой. Дух Твой благии наставит мя на землю праву. Имене Твоего ради, Господи живиши мя, правдою Твоею изведеши от печали душу мою. И милостию Твоею потребиши враги моя, и погубиши вся стужающия души моей, яко аз раб Твой есмь.**

**Слава, и ныне. Аллилуия, Аллилуия, слава Тебе, Боже**

(трижды, с поклонами). **Господи помилуй (12). Слава, и ныне.**

**Бог Господь и явися нам, благословен грядый во имя Господне.**

Стих 1: **Исповедайтесь Господеву яко Благ, яко в век милость Его.**

Стих 2: **Обышедше обыдоша мя, и именем Господним противляхся им.**

Стих 3: **Не умру, но жив буду и повем дела Господня.**

Стих 4: **Камень, Его же небрегоша зиждущии, Сей бысть во главу углу, от Господа бысть Сей, и есть дивна во очию нашу.**

(И по коемждо стисе глаголем: **Бог Господь**).

Посем, тропарь празднику, Христову или Богородицы, коему изволиши пети, глаголи дважды. Слава, и ныне: паки тон же. Аще ли поеши два канона: Христову празднику и Богородицы, то глаголи прежде Христову празднику тропарь дважды. Слава, и ныне: празднику Богородицы.

Каноны поем: первое Спасителю (или Кресту), посем Богородице, Ангелом и святому.

Аще ли случится пети неколиким святым: первое поем Архангелу, Ангелу, Предотечи, таже апостолом, посем пророком, священномучеником и свящеисповедником, великомучеником и мучеником, святителем, преподобным и праведным.

Аще ли поеши два канона: Спасу (или Кресту) и святому (или Ангелу); глаголи тропарь Спасу, дважды. Слава: святому. И ныне: Спасу. Тако же и Богородице со святым.

Аще ли случится пети празднику Христову (или Кресту), Богородице и святому коему, то прежде глаголи тропарь празднику, дважды. Таже, Слава: святому. И ныне: Богородице.

Аще ли Спасу, Богородице, Ангелом и святому: глаголи тропарь Спасу, Ангелом, Слава: святому, И ныне: Богородице (вси по единощи).

Аще ли поеши единому святому, то глаголи тропарь святому, дважды. Слава, и ныне: богородичен воскресен по гласу тропаря святого.

Псалом 50. **Помилуй мя Боже.**

**Господи, Исусе Христе, Сыне Божии, помилуй нас. Аминь.**

Посем канон, ему же изволиши: празднику или святому.

**Подобает ведати:** аще поеши два или более канонов, то ирмосы всегда поем только 1-го канона, а прочие ирмосы оставляются.

К первым канонам говорятся к каждому тропарю свои запевы; Слава, и ныне, не говорится, а говорится у последнего канона к последним тропарям; к предпоследнему: **Сла́ва Отцу́ и Сы́ну и Свято́му Ду́ху;** и к последнему: **И ны́не и прѣсно и во веки веко́м, ами́нь.**

Катавасии вси припеваем каждого канона и по поклону полагаем, и после еще поем:

**Го́споди, поми́луй** (трижды, с поклонами).

**Указ о седальнах, по 3-й песни.** Егда поеши канон Спасу, Кресту и Богородице, особь по единому: после Катавасии и **Го́споди, поми́луй** (трижды, с поклонами): Слава, и ныне: седален (или ипакой), единожды. Аще два седальна имать, то седален, единожды; Слава, и ныне: другии.

Егда же два канона, Спасу (или Кресту) и Богородице: глаголи кондак и икос (младшаго канона) Богородице. Слава: седален Спасу. И ныне: седален Богородице. Тако же и Богородице со святым (или Ангелом).

Аще Спасу (или Кресту), Богородице, Ангелом и святому: кондак и икос Богородице; кондак и икос Ангелом; кондак и икос святому; седален Спасу; седален Ангелом; Слава: седален святому; И ныне: седален Богородице.

Аще ли святому единому: седален святому, единожды; Слава, и ныне: богородичен (иже на ряду).

**По 6-й песни** глаголем токмо кондак и икос 1-го (старшаго) канона.

По совершении же канонов, задостойник:

**Влады́чице, приими́ моли́тву раб Свои́х, и изба́ви нас от вся́кия ну́жди и печа́ли. Ты еси́ Богоро́дице, ору́жие на́ше и стена́, Ты еси́ Засту́пнице, и к Тебе́ прибега́ем, Тя и ны́не на моли́тву призыва́ем, да изба́виши ны от враг на́ших. Возвели́чим Тя вси Пренепоро́чную Ма́терь Христа́ Бо́га на́шего, Ю́же осени́ Дух Пресвяты́и** (поклон до земли).

Сей задостойник поется всегда, кроме великих (двунадесятых) праздников Христовых и Богородичных, ибо тогда, вместо сего задостойника, поется ирмос 9-й песни праздничнаго канона (от дня Праздника и до отдания его).

Посем: Трисвятое и по Отче наш; Исусова молитва.

**Указ о тропарех и кондаках,** како глаголются по совершении канонов.

## Начало общее всем канонам

Автор: Павел  
01.11.2011 11:06

---

Аще канон един Спасу, глаголи: тропарь, Слава, и ныне: кондак.

Аще ли Кресту и Богородице, по единому; глаголи, яко же и Спасу единому.

Аще ли Спасу и Богородице, тропарь Спасу и Богородице. Слава: кондак Спасу. И ныне: кондак Богородице. Тако же и Кресту с Богородицею.

Аще ли Спасу и святому, глаголи: тропарь Спасу и святому. Слава: кондак святому. И ныне: кондак Спасу. Тако же и Кресту (или Богородице) по единому со святым (или со Ангелы).

Аще Спасу (или Кресту), Богородице, Ангелом и святому, глаголи: тропарь Спасу, Богородице, Ангелом и святому. Таже, кондак Спасу, Ангелом, Слава: святому, И ныне: Богородице.

Аще святому (или Ангелом) по единому, глаголи: тропарь; Слава: кондак; И ныне: богородичен, по гласу тропаря от воскресных. (Ин устав: аще ли в храме Господьском или Богородичном, то покрывай по кондаке святого, И ныне: кондак храму).

Посем: Гóсподи, помíлуй (40, с поклонами). Слава, и ныне<sup>[1]</sup>.

1. [↑](#)Здесь читаем молитву. Если канон не имеет своей молитвы, тогда, если есть усердие, читаем молитву Пресвятой Богородицы Похвалы.